

Pagpangita sa Pagpabuhi

ADLAW 3 — PAGTUGYAN MAOY YAWI

"Itugyan ninyo ang inyong kaugalingon sa pag-alagad kaniya sumala sa iyang nahimut-an. Mao kini ang husto nga pagsimba sa Dios" (Roma 12:1, NIV).

Akong Panaw

Usa ako kanhi ka negosyante, edad 36, sa dihang ang usa ka higala nga usa ka pastor kalit mitaliwan sa edad nga 41. Kini nga pangutana mitungha sa akong alimpatakan: Unsay mahitabo kung ang Dios nagtawag kanako nga mamahimong usa ka pastor? Dili ko gusto kini. Sa tibuok semana nakigbisog ako sa hilabihan ug nakighisgot sa Dios—buntag, udto, ug gabii. Gisaysay ko Kaniya unsaon nga ako makasilbi Kaniya sa ubang mga paagi. Sa dayag, Siya wala mamati sa akong mga sugyot, ug samtang nagluhod ako tupad sa katre nga wala nay mga argumento, usa ka hilum nga hunahuna misulod sa akong alimpatakan: *Ang Dios nahigugma kanimo!* Ug ako namalandong, *Oo, ako nagatuo niini.*

Human sa pipila ka minutos, ang pagsalig diha sa gugma sa Dios naghatud kanako sa pagtugyan sa akong kaugalingon sa hingpit. Unya ako nagmalinawon. Usa ug tunga ka tuig ang milabay, ang Ginoo diay nagatawag kanako nga mamahimong usa ka pastor. Daghang katuigan gunad niadto, sa gihapon ako mapasalamaton kaayo Kaniya. Ang Iyang walay kataposang gugma ug kaalam nga nagpadayag kanakog usa lahi nga paagi sa hingpig kay sa unsay akong nahunahunaan. Karon nakita ko nga kini nga pagtugyan nagpagawas og dagkung mga panalangin sa akong kinabuhi. Ang Dios nagpangulo kanako sa labing maayo nga paagi.

Nganong Magtugyan?

Ingon nga si Garrie F. Williams nagasulat, "Ang hingpit nga pagtugyan mao ang yawi sa kaluwasan, sa pagpakatawo pag-usab, sa kadaugan batok sa sala ug tentasyon, ug sa pagkapuno sa Balaang Espiritu." (*How to be Filled With the Holy Spirit and Know It*). Dili kini nato mapahimug-atan kini nga makapadasig nga mensahe pag-ayo.

Sigon nga ako kinahanglang magtugyan atubangan sa Dios makagamit kanako sa bug-os, nan ang apostol Pablo kinahanglan magbiya sa iyang daang kinabuhi ug mga plano sa dihang ang Dios nagtawag kaniya didto sa dalan sa Damasco. Sa iyang sulat ngadto sa mga taga-Roma, si Pablo sa ulahi nagpadasig sa mga magtutuo sa "pagtanyag sa ilang mga lawas ingon nga usa ka buhing hald" usa "sa pagtanyag sa matag bahin sa imong kaugalingon kaniya ingon nga usa ka galamiton sa pagkamatarung" (Romans 12:1; 6:13, NIV).

Daghan ang wala nagtugyan sa ilang kaugalingon sa Diso (sagad tungod sa pagpawala) kondili inay nanagpatuyang sa ilang kinabuhi sa ilang kaugalingong mga kamot. Sila nakulangan sa gahum sa Balaang Espiritu, diin mao ang gasa nga nagadala sa tanan sa uban pang mga gasa sa Dios. "Apan sama sa matag laing saad, kini ginahatag nga may kondisyon. Adunay daghan nga nanagtuo ug nanag-angkon sa pagdawat sa saad sa Ginoo; sila nanaghigot mahitungod kang Cristo ug mahitungod sa Balaang Espiritu, apan wala nakadawat sa gahum. Sila wala nanagtugyan sa kalag aron magiyahan ug magawngan pinaagi sa diosnong mga ahensya" (*The Desire of Ages*, p. 672).

Ingon nga mga tawo kita nakigbisog nga buhian ang atong kagawasan, apan ang tinguha sa Dios alang kanato mao ang bali: "Ang Dios nagatinguha sa pag-ayo kanato, sa pagpahigawas kanato. Apan tungod kini nanginganglan og usa ka tibuok nga kausaban, usa ka pagbag-o sa atong bug-os nga kinaiyahan, kita kinahanglan magtugyan sa atong kaugalingon nga bug-os ngadto Kaniya" (*Steps to Christ*, p. 43).

Ang kinabuhi sa sala dili ingon ka gawasnon sama sa atong gihuna-hunaan. “Ang matag kalag nga nagabalibad sa paghatag sa iyang kaugalingon sa Dios maoy nailalum sa pagdumala sa laing gahum. Dili na siya mao sa iyang kaugalingon. Mahimong siya magsulti og kagawasan, kondili siya anaa sa labing ngil-ad nga kaulipnan. Wala siya tugoti sa pagtan-aw sa katahom sa kamatuoran, kay ang iyang alimpatakan nailalum sa pagdumala ni Satanas. Samtang siya nagadayeg sa iyang kaugalingon nga siya nagasunod sa mga dikta sa iyang kaugalingon nga paghukom, siya nagatuman sa kabubut-on sa prinsipio sa kangitngit. Mianhi si Cristo sa pagbugto sa mga kadena sa kaulipnan-sa-sala sa kalag” (*The Desire of Ages*, p. 466).

Unsay mawala nato pinaagi sa pagtugyan kang Cristo? Siya arangan sa pagpahigawas kanato gikan sa pagpanglupig sa atong mga kaugalingon—gikan sa kasina, kayugot, pagkahingaway, kadalo, adiksyon, kapungot, garbo, kagarboso, kasagmuyo, kamaulawon, ug daghan pa. Hinumdumi, ang matag tawong binuhat mao ang iyang kaugalingon nga kinadak-ang problema. *Ikaw* mao ang imong kinadak-ang problema. “Sa kausaban nga nagakahitabo inig tugyan sa kalag ngadto kang Cristo, anaay kinadak-ang sentido sa kagawasan” (*The Desire of Ages*, p. 466).

Apan ang magkukulon makabuhat lamang sa yuta nga anaa sa iyang mga kamot. Mao kana nganong kita nagatanyag sa atong kaugalingon ngadto sa Dios. “Ang pagtugyan sa tanan sa atong mga gahum ngadto sa Dios nagapasayon sa suliran sa kinabuhi. Kini nagapaluya ug nagapamubo og usa ka libo ka mga pakigbisog sa mga hilig sa natural nga kasingkasing” (*My Life Today*, p. 6).

Ang pagtuyang lamang ang nagahatud ngadto sa dayong pagmaya. “Kadtong mga nagtuman sa Pulong ni Cristo, ug nanagtugyan sa ilang mga kalag ngadto sa Iyang pagtipig, ang ilang mga kinabuhi ngadto sa Iyang pagmando, makakaplag og pakigdait ug kalinaw. Walay bisan unsa nga butang nga makahimo kanilang masulob-on sa dihang si Jesus nagahimo kanilang malipayon pinaagi sa Iyang presensya. Diha sa hingpit nga pagsanong adunay hingping nga kapahulayan” (*The Desire of Ages*, p. 331). Siya nagadapit kanimo karon sa pagsinati niana nga hingpit nga kapahulayan!

Pag-ampo sa Pulong sa Dios

Himoa kaming mga instrumento sa Imong gugma.

“Ayaw ninyo itugyan ang mga bahin sa inyong mga lawas ngadto sa sala aron kini himoong mga galamiton sa pagkadili matarung, hinonoa itugyan ninyo ang inyong kaugalingon ngadto sa Dios ingon nga mga tawo nga nangabuhi gikan sa kamatayon, ug itugyan ninyo ang mga bahin sa inyong mga lawas ngadto sa Dios aron mahimong mga galamiton sa pagkamatarung” (Roma 6:13, NIV).

Ginoo, gusto namo ihatag Kanimo ang matag bahin sa among mga kinabuhi. Gamita kami ingon nga mga instrumento alang Imong himaya.

Himoa ang among mga kinabuhi nga usa ka buhat sa pagsimba.

“Busa hangyoon ko kamo, mga igsoon, tungod sa mga kalooy sa Dios, sa pagtugyan sa inyong mga lawas ingon nga halad nga buhi, balaan ug hinangponon sa Dios, ang halad nga mao ang inyong espirituhanong pagsimba.” (Roma 12:1, NIV).

Amahan, salamat kaayo sa pagdapit kanamo nga mamahimong mga bag-ong binuhat. Ipakita kanamo unsaon sa pagtugyan adlaw-adlaw Kanimo nga walay bisan unsa nga mga pagdili. Tabangi kami sa pagsunod Kanimo diha sa tanang mga butang pinaagi sa Imong kusog.

Panalipdi kami gikan sa daotan.

“Kita sayud nga ang gipanganak gikan sa Dios dili magpakasala, apan ang Anak nga gipanganak gikan sa Dios nagabantay kaniya, ug ang daotan dili magahilabut kaniya” (1 Juan 5:18, ESV).

Ginoo, salamat sa pagsaad sa pagpanalipod kanamo gikan sa daotan sa dihang kami nagtugyan na Kanimo. Tultoli kami diha sa Imong dalan ngadto sa hingpit nga pagmaya.

Dugang pa nga mga Sugyot sa Pag-ampo

Mga Pasalamat ug Pagdayeg: Pagpasalamat sa mga tino nga panalangin ug pagdayeg sa Dios alang sa Iyang pagkamaayo.

Kompisal: Paggahin og pipila ka mga minutos alang sa pribado nga pagkompisal ug pasalamat ang Dios alang sa Iyang kapasayloan.

Giya: Hangyoo ang Dios sa paghatag og kaalam alang sa mga hagit karon ug mga desisyon.

Atong Iglesia: Hangyoo ang Dios sa pagpanalangin sa mga paningkamot sa atong iglesia sa lokal, rehiyon, ug sa tibuok kalibutan.

Lokal nga mga Hangyo: Iampo ang mga panginahanglanon karon sa mga sakop sa iglesia, panimalay, ug mga silingan.

Pagpamati ug Pagresponde: Paggahin og panahon sa pagpamati sa tingog sa Dios ug sa pagresponde diha sa pagdayeg og awit.

Mga Sinugyot nga Awit

SDA Hymnal: I Surrender All (#309); Have Thine Own Way, Lord (#567); Take My Life and Let It Be (#330); Under His Wings (#529); It Is Well (#530); Just as I Am (#313).